

Gvangjsih Minzcuz Bau

ganhhau: CN45-0036 B.2019 Nd.7 Ng.3 liggaeuq geijhah nienz ndwenloeg coit

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3381期

Bi 2019 Sawcuengh Vahcuengh Suij- bingz Gaujsi Ndwen 7 Ngoenz 28 Gauj

Bonjbauq siusik Swcigih Minzcunghvej fat goenggauq, bi 2019 Sawcuengh Vahcuengh suijsingz gaujsi dingh youq ndwen 7 ngoenz 28 youq Gvangjsih Minzcuz Dayoz banh.

Ciuq goenggauq, vunz bauqgauj mboujhanh sai mbwk, minzcuz, bi-ndwen, haglig, guh hong lawz, dieg lawz, guek lawz daengj, ndaej ciuq gij saedsaeh bouxvunz aeyungh, swyouz senj bauq mizgven daengjgaep.

Gaujsi neiyungz cujyau dwg gauj

boux gaujseng yungh Sawcuengh Vahcuengh, baugvat gij giekdaj cihsiz Sawcuengh Vahcuengh, gap sawloih cau coenz vah, yawjdoeg roxyiuj, fanhoiz (Cuengh hoiz Gun, Gun hoiz Cuengh) caeuq raiz faenzcieng daengj fuengmienh. Gaujsi baen cogaep, cunggaep, gaugaep 3 aen daengjgaep, faensoq mbaw gaujgienj gaujsi muenxfaen 100 faen, gaujsi cingzci 60 faen dwg diuzsienj biucinj habgek, gak daengjgaep baen gyap, iet 2 aen daengjgaep,

80 faen(baugvat) doxhwnj dwg daengjgyap, 60-79 faen dwg daengjiet.

Bauqmingz miz gwnz muengx bauqmingz caeuq daengzdieg bauqmingz 2 loh, bouxvunz gwnz muengx bauqmingz ndaej youq ndwen 7 ngoenz 1 daengz ngoenz 18 hwnj Swcigih Minzcunghvej Vangj (<http://mzw.gxzf.gov.cn/html/index.html>), diemj "Sawcuengh Vahcuengh suijsingz gaujsi gwnz muengx bauqmingz" bauqmingz ndaej.

SIUSIK DINJ

● Ndwen 6 ngoenz 29, Swcigih Veigenvej cujiz dangjyenz lauxhangz 10 lai aen yihsen bae Lungzswng Gak Cuz Swciyen gak yanghcin guh aen hozdung dangjyenz ganyienh fugsah aen cawjdaez dwg "bang-gungz yawjbingh mbouj aeu cienz raeuj sim vunz", haiguh fugsah camcaz, fat yw mbouj aeu cienz caeuq fat ceksaw senhconz cangq-heiq, soengq cangqheiq caeuq raeuj bae hawj gyoengqde.

(Banh Cisiengz)

● Ndwen 6 ngoenz 26, Nazboh Yen Yinzminz Faz-yen lienzhab Yen Ginduzban, Genjazyen daengj lai aen bouhmonz guh aen hozdung senhconz gimqdoeg. Bae senhconz hozdung gimqdoeg neix, Nazboh Yen Fazyen guh le banjbau senhconz gimqdoeg, mbawdan senhconz gimqdoeg daengj, caemhcaiq gangj gij sienghah huqdoeg, gij loh huqdoeg daengj mizgven faplwd cihsiz hawj ginzcong, caenh' itbough daezswng gij yisiz gimqdoeg ginzcong.

(Nungz Cizyinh)

● Bineix, Denhdwnj Yen haenqrengz hwnghat dajndaem mak, hwnjguh dieg guhyienh, suen guhyienh, diemj guhyienh nungzyez daihneix 54 aen, ciuq dieg bae guh sonyinx ginzcong dajndaem makit, makleiz, makgam makdoengj daengj, nangqdaengz daengx yienh 4251 ranz rangzungzhoj dajndaem mak laisou baenz miz.

(Ouh Vazhingh)

● Ndwen 6 ngoenz 27 banhaemh, Lozcwnz Mulaujcu Swciyen Dunghmwnz Cin cujiz 11 aen doih yienjheiq lajmbanj bae daengz Minzcuz Vwnzva Gvangjczangz yienhsingz, guh aen vanjvei yienjheiq "gohoengz soengq hawj dangj" angqhoh "caet it", 168 boux bouxyienj ciengqgo diuqfoux, danqhaenh Cung-guek Gungcanjdangj, danqhaenh seizdaih moq, langh-baij gij cingsaenz gaenxmaenx doxhwnj gyoengq ginzcong mbanjbya Mulauj.

(Vuz Haijlinz)



Yungzanh: Hoh Caet It·Haenh Dangj Aen

Fwenhaenh soengq hawj dangj, danqhaenh seizdaih moq. Ndwen 6 ngoenz 29, Yungzanh Yen aen siujgih senj dieg banggungz banh comzyienj yienjheiq "hoh caet it·haenh dangj aen", youq mwh ciet laebdangj caet it daujdaengz gaxgonq, danqhaenh aencingz dangj, fungfouq gij ndwenngoenz vwnzva cingsaenz vunz lai senj dieg haenx, caenh' itbough doicaenh vut gungz gunggeng, bangrengz cingsaenz banggungz. Ndaw doz dwg bouxyienj youq gwnz daiz yienjheiq.

(Cinz Gozcwnj/陈国正)

Dunghlanz: Aen Hozdung Goepingj Gingqdaeuz Yapvaiq Banj Vah- cuengh Deihfueng《Gou Caeuq Guekcoj Gou》Guh Ndae Hoenghhwd

Ndwen 6 ngoenz 25, aen baksok laj giuz Dahraemxhoengz Dunghlanz Yen Aidung Cin nauhyied dangqmaz, seiz mbouj seiz cienz dauj raq dem raq sing angq hemq "gou gyaenz guekcoj gou", gyoengq vunz foenfoen gangjok gij cingz gyaenz guek naekgywd bonjfaenh. 50 lai boux vunz Aidung Cin Cungsim Siujyoz, yanghcin ganbu caeuq ginzcong henzgyawj doxcomz youq gizneix, yungh gij cingsaenz ndei, gij yiedcingz hoengh caeuqfaenh aen hozdung goepingj gingqdaeuz yapvaiq banj Vahcuengh deihfueng《Gou Caeuq Guekcoj Gou》.

Vih angqhoh guekcoj laebbaenz 70

hopbi, gvancez doeksaed gij cingsaenz daezswz youqgaenj Siz Ginbingz cung-suhgi "cauhlaeb aen Gvangjsih gyaeu-ndei saedyienh aen loqsiengj fuk-hwng", doengzseiz ngamjbungz Dunghlanz Yen angqhoh Veiz Bazginz doek-seng 125 hopbi, Cunghung Dunghlanz Yenvej Senhconzbu lienzhab Yen Minzyijgiz, guh aen hozdung goepingj gingqdaeuz yapvaiq《Gou Caeuq Guekcoj Gou》. Bae gingqdaeuz yapvaiq neix go neiyungz gig miz daegsaek deihfueng, doengqvaq boux cau go deihfueng dauqungz dienz swz gajbien, yungh Vahcuengh bonjdieg yienjciengq, gig mbouj doengz gaj wng youh ndei

ciengq, bouxdingq dingq ndaej maez liux. Dieg goepingj cujyau dwg gwzming lezsw lingzyenz, Aen Guenj Geiqniemh Veiz Bazginz, Laeuzgveizsingh, Gamj Lezningz daengj dieggoek gwzming gyauyuz, caeuq Dahraemxhoengz, gyaranz banggungz daengj gingjsaek, dieggoek canjnieb daengj, bouxvunz caeuqfaenh goepingj miz gak yanghcin ganbu ginzcong, lauxsae hagseng daiqbiuj, gak hangznieb daiqbiuj daengj, senhconz banggungz daegsaek canjnieb, fatyienz gij cingsaenz gyaenz guek cuji, cienzboq gij cingz gwzming, swnjcienz fungsug vwnzva minzcuz Bouxcuengh.

(Hanz Gez)